

唐宋金元詞鈎沈

下

唐宋金元明詩話

玉峯散人詞

金趙可獻之

浣溪沙

擡轉鑪熏自換香。錦衾收拾卻遮藏。二年塵暗小鴛鴦。
落水蕭蕭風似雨。疎櫺

皎皎月如霜。此時此夜最淒涼。
中州樂府·歷代詩餘七

又

火冷熏鑪香漸消。更闌撥火更重燒。愁心心字兩俱焦。
半世清狂無限事。一窗

風月可憐宵。燈殘花落夢無聊。
同上

卜算子

譜 太白詩語 花草粹編·歷代詩餘·並無題

明月在青天。借問今時幾。但見宵從海上來。不覺雲間墜。
流水古今人。共看皆

如此。惟願當歌對酒時。長照金尊裏。
中州樂府·花草粹編二·歷代詩餘十

好事近

唐宋金元詩鈔
密雪聽窗知。午醉晚來初覺。人與膽瓶梅蕊。共此時蕭索。倚窗閒看六花飛。風

輕止還作。箇裏有詩誰會。滿疎籬寒雀。中州樂府。歷代詩餘十二。

□□□ 席屋上戲書

趙可可。肚裏文章可可。三場捱了兩場過。只有這番解火。恰如合眼跳黃河。知

他是過也不過。試官道王業艱難。好交你知我。歸潛志十。

鷓鴣天 集句

十頃平波溢岸清。草香沙煖水雲晴。輕衫短帽垂楊裏。楚潤相看別有情。揮彩

筆。倒銀瓶。花枝照眼句還成。老來漸減金釵興。回施春光與後生。中州樂府。花草粹編五。歷代詩餘二十八。

又

金絡閒穿御路楊。青旗遙認醉中香。可人自有迎門笑。下馬何妨索酒嘗。春正

好。日初長。一尊容我駐風光。歸來想像行雲處。薄雨霏霏灑面涼。中州樂府。歷代詩餘二十八。

鳳棲梧

霜樹重重青嶂小。高棟飛雲。正在霜林杪。九日黃花纔過了。一尊聊慰秋容老。

翠色有無眉淡掃。身在西山。却愛東山好。流水極天橫晚照。酒闌望斷西河道。州中

樂府·歷代詩餘四十。

驀山溪 賦崇福荷花 崇福在太原晉溪

歷代詩餘題無後七字。

雲房西下。天共滄波遠。走馬記狂遊。正芙蓉平鋪鏡面。浮空闌檻。招我倒芳尊。看

花醉。把花歸。扶路清香滿。水楓舊曲。應逐歌塵散。時節又新涼。料開徧。橫湖清

淺。冰姿好在。莫道總無情。殘月下。曉風前。有恨何人見。中州樂府·歷代詩餘五十一。

雨中花慢 代州南樓

雲朔南陲。全趙幕府。

花草粹編·歷代詩餘·並作寶符。

河山襟帶名藩。有朱樓縹緲。千雉回旋。雲度飛

狐絕險。天圍紫塞高寒。弔興亡遺迹。咫尺西陵。煙樹蒼然。時移事改。極目傷

花草

粹編·歷代詩餘·並作春。

心。不堪獨倚危闌。惟是年年飛雁。霜雪知還。樓上四時長好。人生一世

誰閒。故人有酒。一尊高興。不減東山。中州樂府·花草粹編九·歷代詩餘六十二。

望海潮 發高麗作

詞綜題作贈妓

雲垂餘髮。霞拖廣袂。人間自有飛瓊。三館俊游。百銜詞綜作街高選。翩翩老阮才名。銀

漢會雙星。尙相看脉脉。似隔盈盈。醉玉添春。

歸潛志作香

夢雲

歸潛志作魂

同夜惜卿卿。

離觴

草草同傾。記靈犀舊曲。曉枕餘醒。海外九州。郵亭一別。此生未卜他生。江上數峰

青。悵斷雲殘雨。不見高城。二月遼陽芳草。千里路旁情。

中州樂府歸潛志十詞綜二十六

淞水詞

金 趙秉文 周臣

漁歌子 倣張志和西塞

一葉黃飛一葉舟。半竿落日半江秋。青草渡。白蘋洲。歸路月明山上頭。
三。淞水集

又

白頭波上白頭人。黃葉渡西黃葉村。山幾朵。酒盈尊。落日西風送到門。
同上

缺月挂疏桐 擬東坡作
歷代詩餘無題。

烏鵲不多驚。貼貼風枝靜。珠貝橫空冷不收。半濕秋河影。缺月墮幽窗。推枕驚

深省。落葉蕭蕭聽雨聲。簾外霜華冷。
中州樂府。花草粹編二。歷代詩餘十。

秦樓月

簫聲苦。簫聲吹斷夷山雨。夷山雨。人空不見。吹臺歌舞。危亭
歷代詩餘作樓。目極傷平

楚。斷霞落日懷千古。懷千古。一杯還酌。信陵墳土。
中州樂府。歷代詩餘十五。

青杏兒

花草粹編題
作飲興

風雨替花愁。風雨罷。花也應休。勸君歷代詩餘
作伊莫惜花前醉。今年花謝。明年花謝。白

了人頭。乘興兩三歷代詩餘
作山甌。揀溪山好處追遊。但教有酒身無事。有花也好。無

花也好。選甚春秋。中州樂府。遠山樂府中附。花草粹編
七。詞綜二十六。歷代詩餘四十一。

水調歌頭

昔擬栩仙人王雲鶴。贈予詩云。寄與閑閑傲浪仙。枉隨詩酒墮凡緣。黃塵

遮斷來時路。不到蓬山五百年。其後玉龜山人云。子前身赤城子也。予因

以詩記之云。玉龜山下古仙真。許我天台一化身。擬折玉蓮騎白鶴。他年

滄海看揚塵。吾友趙禮部庭玉說。丹陽子謂予再世蘇子美也。赤城子則

吾豈敢。若子美則庶幾焉。尙愧辭翰微不及耳。因作此以寄意焉。中州樂府
置詞後。

歷代詩餘
無此記。

四明有狂客。呼我謫仙人。俗緣千劫不盡。回首落紅塵。我欲騎鯨歸去。只恐神仙

官府嫌我醉時真。

歷代詩餘作真。

笑拍羣仙手。幾度夢中身。

倚長松。聊拂石。坐看雲。忽

然黑霓落手。醉舞紫毫春。寄語滄浪流水。曾識閑閑居士。好爲濯冠巾。却返天台

去。華髮散麒麟。

中州樂府。歷代詩餘五十八。

滿庭芳

天上殷韓。解羈官府。爛游舞榭歌樓。開花釀酒。來看帝王州。常見牡丹開候。獨占斷穀雨風流。仙家好。霜天槁葉。穠艷破春柔。狂僧誰借手。一杯喚起。綠怨紅愁。看天香國色。梅菊替人羞。盡揭紗籠護日。容光動。玉斝瓊舟。都人士。年年十月。常

記遇仙游。

遺山樂府中附。

案元遺山遺山樂府中。滿庭芳。妝鏡韶華闌序云。遇仙樓酒家楊廣道趙君瑞皆山後人。其鄉僧號李菩薩者。人頗以爲狂。嘗就二人借宿。每夜客散。乃從外來。臥具有閒賸則臥之。不然赤地亦寢。一日天寒。楊生與之酒。僧若愧無以報。主人者。晨起。持酒盃出。同宿者聞。酒聲。少之僧來說云。增明亭前花開矣。公等往觀之。人熟其狂不信也。已而視庭中。牡丹果開兩花。是後僧不復至。京師來觀者車馬闐咽。醉客相枕藉。酒壚爲之一空。趙禮部爲雷御史希顏

所請。卽席同予賦之。時正大四年之十月也。

大江東去 用東坡先生韻

歷代詩餘題作次東坡韻。

歷代詩餘
作姮

回首赤壁磯邊騎鯨人

髮。三山安在。玉簫吹斷明月。

中州樂府·歷代詩餘六十九·

梅花引過天門關作

山如峽。天如席。石顛樹老冰崖坼。雪霏霏。水洄洄。先生此道胡爲乎來哉。石頭路滑馬蹄蹶。昂頭貪看山奇絕。短童隨。皺雙眉。休說清寒。形容想更飢。

杖頭倒挂一壺酒。

爲問人家何處有。捋冰髻。煖朝寒。何人畫我霜天曉過關。

中州樂府·歷代詩餘三十四·

案右闕歷代詩餘。自石頭路起。分爲下半片。而無空格後之半闕。

洞淵詞

金龜山 長筌子

拋毬樂

道人心印悟來。自然惺洒。這妙用玄關造化。神功巧筆。今古難畫。見壺中。不夜春光。有錦繡江山相亞。處處花萼樓臺。秀吐香風。高聳蟠桃架。玩紫微絳闕。瑤池閬苑。豈羨世間。園林郊野。閑步鳳凰臺。聽一派簫韶音韻清雅。任縱橫出入。靈空不用。玉鞭金馬。翛然卓立乾坤。看萬象森羅青霄下。五明宮。玄珠會。妙體嬋娟姪姪。醍醐芝草。誰肯著千金酬價。有緣得遇其師。點透靈通。常應無虛詐。賞聖賢至理。謙慈度日。更六根清淨。無爲風化。性疑信誤月桂枝芳。放萬道光明無毀謝。把天機祕訣。勿令輕捨。

又

細開根基妙道。幾人深知。自大樸初分。剖散洪濛。畫八卦帝尊伏犧。辨百草功顯。

神農播稼穡德布華夷。次後運啓軒轅。聖明宣教。諸方吐瑞芝。感遐荒奠枕清寧。
萬國更迤邐。求道七十餘師。從此闡淳風。降後代神仙出世機。既到今日。不悟羣
迷。總被利名驅馳。獨余擺脫羈縻。任落魄南北與東西。壺中景。真消息。三火烹
煎坎離。杳冥恍惚。誰信有純陽龍飛。幹開玉戶金關。祥煙瑞氣。紅雲罩紫微。聽無
絃雪曲仙音。韻正美。見日月配合。結就刀圭。功滿大丹成。便拂袖長生路。歸。住
天宮。快樂武陵瑤池。

天香慢 梅

萬木歸根。三冬扳萃。曉來梅萼輕坼。妬

疑妬之
誤

雪精神。清人氣焰。不許等閑攀摘。

百花未發。獨占得東君春色。庾嶺斜橫。秀孤芳。更妙機難測。西湖灑然至極。勝

蠟黃。愈增靈識。漏泄前村驛使。喜傳消息。解引詩人雅詠。對一枝。金蕾興自適。月

浸寒梢。天香可惜。

燭影搖紅

菊綻黃花。月生碧漢。清光皎。霜前雨後正芬芳。四海圓明照。朵朵爭開爛熳。吐香風騰輝天表。檻邊幽雅。空外嬋娟。依時呈妙。閬苑仙葩。蔣公三徑知音少。瑤臺寶鑑照娑婆。悟者頭頭了。好對東籬賞玩。射江山虛堂靈沼。數枝金蕊。萬道銀霞。浮生難曉。

解愁

歲月忽忽。忙如奔騎。來往暗催浮世。愛河誰省悟。戲欲浪苦爭名利。火院憂他妻共子。更不念自身顛賴。你直待大限臨頭。恁時悔恨。又成何濟。活鬼販骨千迴。空勞壤。紛紛鬧如螻蟻。丈夫心猛烈。秉慧萬緣齊棄。劈碎凡籠無罣礙。任自在翫山遊水。向林下醉飲真風。坦然高臥。占清閑貴。

又

返照人間。忙忙劫劫。晝夜苦辛無歇。大都能幾許。這百年有如春雪。可惜天真逐愛欲。似傀儡被他牽拽。暗悲嗟苦海浮生。改頭換殼。看何時徹。聽說古往今來。

名利客。空有兔蹤狐穴。六朝并五霸。輸他水雲英傑。一味真純爲伴侶。養浩然歲寒清節。這些兒冷淡生涯。與誰共賞。有松窗月。

滿庭芳

大覺光明。不須外覓。人人各有如來。浮生迷昧。販骨走千迴。鑿透靈源法海。禪河漲風浪。崔嵬。泥牛吼。威音嘹喨。鐵壁起雲雷。菩提。無縫塔。林巒掩映。山色分開。任曹溪雪滿。漏泄紅梅。處處香嚴法界。休分別。祇樹蒿萊。真消息。孤峯頂上。石女繡莓苔。

又

微妙家風。非空非色。卓然无去无來。超今越古。悟者免輪迴。拈出長春聖境。瓊花綻鐵樹崔嵬。誰知覺。丁翁夜半。震動九天雷。玄門真洒落。星樓月殿。愚昧難開。寥陽芝草。端的勝寒梅。方寸神機莫測。何消得。飛過蓬萊。紅塵外。玉霄閑客。未肯躡蒼苔。

又

決烈修真。慙懃辦道。萬緣識破皆空。太虛鼎內。默默養和沖。一顆靈珠燦爛。光輝似月射千峯。長春景。五雲台上。芝草吐香風。這些微妙理。有緣端的。千里相逢。纖塵不染。清淨是真功。日用頭頭不昧。超生滅法界難籠。還能此。逍遙自在。處處是仙宮。

又

老氏真機。如來祖印。明明象帝之先。不生不滅。端的至幽玄。一派清風匝地。迷雲散皓月當天。君知否。寥寥劫外。法鼓震三千。本來真箇妙。無名無相。非道非禪。學人外覓。教我怎生傳。不肯迴光返照。區區地走遍山川。歸來也。人牛不見。芳草鎮江煙。

又

本分家風。尋常日用。何方不是林泉。飢餐渴飲。任運度流年。行止非人所及。休息

算好弱由天。君知麼。一身尙假。萬事豈牢堅。些兒窮活計。寂寥消洒。有口難言。簞瓢不置。那得買山錢。且恁騰騰兀兀。任從他螳戰蜂喧。真清樂。松間步月。石上枕書眠。

綠頭鴨

雨初晴。江山景色新鮮。乍艷陽。春光美麗。見郊原芳草芊芊。靚梨花。輕籠淡月。聞松聲。冷和清泉。風細池塘。簾垂院落。曉鶯啼喚。柳含煙。更疊翠。山幙如悄。時物筆難傳。誰能悟。韶華不久。人世非堅。走紅塵。何曾返照。損氣神。虛度流年。競錐刀如蠅見血。戀妻男。似蟻爭羶。火宅憂煎。情波出沒。四生六道。不知還。任千劫輪迴。販骨迷了本靈源。聰明客。諸緣放下。閑裏修仙。

江神子慢

掃除六塵迹。點檢現前真箇消息。慧光赫。親拈出妙用靈根端的。越聲色。一曲威音非律呂。超今古。琅琅誰聽得。湛然萬里雲收。晴天闊。月華白。縱橫金田覺海。

笑巴歌謔謔。葛籐千尺泯情識。空劫外。門掩蒼苔閑寂。致虛極。枕上江山春色好。松花老。香風飄廣陌。此時作箇逍遙一煙霞客。

雨霖零

清晨凝竚。見風雲濟及作時雨。陰陽協順空中。爲甘露山澤敷布。點點如膏利益。洗滅妖氛。四海澄素。造化天地神功。擾擾浮生幾人悟。乾坤美澤恩霑溥。勝娑婆此價應難賈。滋生萬物榮甦。增瑞慶兆民歌舞。五穀豐登。庶事康寧。遐邇安固。感上下和睦無爲。敬禮玄元祖。

絳都春

天生懶惰。愛靜處坦然。開懷澄坐。面垢頭髻。養疎慵。消災禍。無縈無繫隨緣過。也不會焚燒香火。囉噠哩噠。鸞歌舌誕。恣情吟和。南柯夢中識破。把蝸角蠅頭。身心摧挫。手握靈芝。泛無何。誰知我。清風浩月時相賀。杳冥中修成仙果。了然歸去。綿綿。九天高臥。